

Zd
4430



QK 311

v. Promnitz

CARMEN

Z d
4430

Heroicum in sacro Nuptiali, ue-
RE HEROICI VIRI, GENEROSI, NO-
bilitateq; præstantis, Domini STANISLAI A PROMNITZ,
Domini in Ples, Sora & Tribula etc. Sponsi, ac castissi-
me uirginis, Dominae ANNÆ A REDERN, sponse, filie
generosi Domini, animi nobilitate, sapientia & virtute
excellentis, D. FRIDERICI A REDERN, Domini &
liberi Baronis in Fridland & Seidenberg,
Cæsaris & Romani Regis con-
siliarij etc. scriptum.

à

M. IACOBO MILICHIO
Iuniore Falcoburgensi.

VITEBERGAE

EXCVDEBAT LAVRENTIVS
SCHVVENCK.

M. D. LXIIII.

pendentissimo & opt. vino,
Franco, indig. Sorauens.

mino, amico. hobili & nob.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE (SAALE)

Epithalamion.

CAdmus Agenorides, Thebani sanguinis autor,
Qui serrata feri, mandauit, semina Monstri
Telluri, quâs progenies enata virorum,
Ille suas quondam tedas, dulcesq; Hymenæos
Concelebrans, diuas Musarum & Apollinis odas
Audiit, Harmoniæ dextram dum prensat eburnam.
Cum ruit auricomæ Peleus in brachia Nymphæ,
Quæ celebri Tethidos se nomine læta ferebat,
Fama fuit, Diuûm, numerofo sÿrmate, pompam
Accinuisse nouo, & sua dona tulisse, marito:
Ac, malesuada etiam lætis, sua munera, Diuis
Sparsit Eris: quo mel condiret felle: vetusti
Sic fingunt vates: Sed nos, qui nomina **CHRISTO**
Æterno dedimus Gnato patris, illa sinamus
Quæ veteres vano finxerunt ore Poetæ,
Nescia turba Dei, mendacia fingere gnara.
Nos meliora damus, dedimus qui nomina **CHRISTO**,
Ergo non Musas, non Numina ficta Deorum,
Non liuentem Eriden, pomum aut fatale, canemus,
Coniugium sacrum sacro celebrabimus ore,
Cuius es ipse Deus primus sancitor & autor,
Cuius es ipse Deus fautor fotorq; benignus,
Qui uenis ad iustas tedas, Tu pronubus ipse
Et Paranympus ades, cum castas iungere dextras
A ij Dest inat

Destinat, alme Pater, binos, tua diua voluntas.
Nec tu solus ades, Pater, incomitatus, & adsunt
Ipse tua de Mente satus, Genitoris alumnus
Æterni æternus, simul & de pectore bino
Spiritus æternus procedens, Nexus amoris,
Desuper aduentat, casto & connectit amore
Binos, legitimis qui iungunt pectora vinculis.
Adde quod aligeris turmis, Diuûmq; ministris
Cœlitibus, curæ est præsentibus esse, sacrati
Quando celebrantur nexus tedæq; iugales,
Circùm, mille uolant, sponsum sponsamq; salutant,
Et sua uota ferunt, ac diuum Numen adorant
Artificis tanti, quo fonte bona omnia manant,
Attoniti mirantur opus, gentemq; creatam
Suspiciunt, cui MENS tantillo in corpore Tanta
Infusa, halantis diuino è pectore Patris.
Hæc, illi nequeunt mentem exaturare, tuendo,
Turba, Deo serua, & nobis mortalibus ægris.
Hi sunt qui nostris facibus dignantur adesse,
Mens æterna Deus, Lux nulli peruia uiuo,
Angelicusq; chorus, nulli numerabilis ordo.
Insuper ipse Pater, qui castum sanxit amorem,
Sistere dignatur sese ad tua brachia, Sponsa,
Ipse tuam dextram comprehendit, pronubus ipse,
Ut sacer Antistes, te copulat ecce marito.
Lumina quid vertis? præsens homo quippe Sacerdos,
Qui uos

Qui uos connectit : sed & astat **CONDITOR ORBIS,**
Qui uos ipse ligat sacri per uerba **Ministri.**
Et uelut ante aram fit supplex **Sponsa** marito,
Genua labans , sponsiq; fauorem cernua poscens ,
Sic pro coniugibus castis, tu, **CHRISTE,** precaris.
Æternum patrem, tu æternus, **CHRISTE,** Sacerdos,
Sic tibi fit supplex tua cara, **ECCLESIA,** Sponsa,
Illa tuum poscit tua Sponsa, ô **CHRISTE** fauorem,
Illa quidem haud proprijs meritis , sed munere solo
Freta tuo, fuso proprio qui sanguine, sponsam
Assertam socias, ut sit tibi cara marita,
Æternis nodis iuncta æternoq; fauore.
Hæc meditor, tua dum sponsalia sacra parantur,
STANISLAE, vir ô præstans, qui stemmate claro
Ipse genus ducis, qui nobilitatis honorem
Nobilitate animi geminas, Heroas & inter
Non postremus eris, qui non insignia tantum
Ostentare potes maiorum, & gesta priorum,
Sed propria potius temet uirtute fideq;
Commēdas: **VIRTUS SVA QVENVQVE EXTOLLIT ET ORNAT.**
Quis dubitet, Stirps ô **PROMNIZIA,** gloria quanta
Luceat in uestra gente, & quæ gesta virorum,
Seu vicina potens **Bellona,** in rura ruebat ,
Armorum horrisonos strepitus, lituosq; frequentans
Seu Patriæ portus molli pax aurea uento
Perflabat, semper stirps hæc **PROMNIZIA** præstans
A iij Fulgebat

Fulgebat latè, ceu stella insignior amplos
Diffundit radios fulgenti è uertice cœli,
Seu nunc cœruleo splendescat lumine cœlum,
Seu circùm extremo nebulae se cardine uoluant:
Sic latè nomen laudesq̄, & fama coruscat
PROMNIZIÆ gentis, præclaraq̄ gesta uirorum.
Fama potens uiuit tua BALDASAR, omnibus horis,
Quem clari ELYSII decorant & laudibus ornant,
Iure equidem: quem non vnquam uirtutis egentem
Delegere uiri, quorum censura probata est,
Culmen habere potens, ut summus EPISCOPVS esset
PRÆSOLAI celsis sub mœnibus, Ergo etiamnum
Quamuis defuncti uiuit tua fama decusq̄.
Hic etiam SIGFRIDVS eris memorandus, ô, inter
Vir Mecœnates uel primus, non tibi tantum
Conciliat decus, hoc, quod te, SORA, præside floret,
Quantũ, quod Musas coluisti, & honore TRIVMPHAS
PRÆCIPVO HOC, tibi quem largitur Pieris alma.
Quin & MATTHÆVS gaudens cognomine LONGA
Nobilis & præstans, nulli uirtute secundus,
Non reticebitur hîc, quo CASPAR se patre iactat,
Cui sacra imposita est venerando uertice mitra,
Dignus is Antistes, prælustri EPISCOPVS ille.
Quin memoro primũ te CASPAR bellipotens vir,
Præstantis genitor ô præstantissime Gnati,
Ecce tuus splendescit honos hac luce: frequentant

Sacratas

Sacratas aedes iuuenesq; senesq; nurusq;
Ob Gnati pia sacra tui, cui ducitur vxor,
Vxor qua vix est vsquam præstantior vlla,
Seu spectes genus, & prælustri stemmata stirpis,
Seu spectes animi dotes, pectusq; pudicum,
Cuius in ore sedet Pitho Charitesq; Venusq;
Namq; verecundus pudor huic faciemq; genasq;
Purpureo tinxit cocco, ceu si quis eburnam
Sanguineo pingat crustam varietq; liquore.
Cui pater est, PACIS cultor, FRIDERICVS, in oris,
Pax diua, ille, tuis, BARO prælustri, ELYSIS
Numinis ille loco est, propter sua munera mentis,
Quorum illi fecunda seges, maturaq; messis
Nisit, non, summus Regni caput ille MONARCHA
FERDINANDVS, eum sic ad communia regni
Munera mandaret promptum sua quæq; referre.
Vtilis est multis QVIVIR BONVS, vtilis ergo
Mille viris orbiq; vires FRIDERICE, triumphæ,
Nam tales dotes summi MODERATOR Olympi
Haud confert cunctis, sed eis qui pectore puro
Æternum venerantur eum, cultuq; decorant,
Quem vult ipse DEVS, quem pagina sacra reuelat:
Et qui non sibimet solis, sed & omnibus æquè
Enatos dulciq; frui se lumine credunt.
Talis es, ô FRIDERICE, tuus sic semper honos stet.
Sed noua gaudia nunc præsens lux aggerat: ECCE

Prælustri

Zd 4430

Præluſtri ſponſo tuâ filia iungitur *ANNA*,
ANNA decus Chariton, ſponſo dulciſſima *MANNA*,
Quod fauſtum felixq; tibi ſponſoq; ſuâq;
RES SACRA CONIUGIUM EST: ſacer ergo in uota uocandus
Ore *DEVS: DEVS* ô cui noſtram condere gentem
Cura erat, & nobis leges ſancire iugales,
Adſis ô Pater & benedic pater optime binis
Coniugibus, tuus hic quos iungit ritè Miniſter,
Ipſe liget binos æterni Nexus Amoris,
Nexus, qui bino ſpirat de pectore diuo,
Et Patris & Gnati: non ſint hæc irrita uota,
Ipſe, *DEVS*, ſuper his, non irrita uerba, referto,
Crescite felices, numeroſa creſcite prole,
Quæ trinos, vna Deitate, agnoſcet in æuum.
Dicat *AMEN* cunctus: Felix *STANISLAE* uiuas,
ANNA diu uiuas, claro cum coniuge: *DIXI*.

FINIS.



MU

ULB Halle

3

004 976 371



Inches 1 2 3 4 5 6 7 8
Centimetres 1 2 3 4 5 6 7 8

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

QK 311

v. Promnitz

CARMEN

Heroicum in sacro Nuptiali, ue-
RE HEROICI VIRI, GENEROSI, NO-
bilitateq; prestantis, Domini STANISLAI A PROMNITZ,
Domini in Ples, Sora & Tribula etc. sponsi, ac castissi-
ma uirginis, Dominae ANNÆ A REDERN, sponse, filie
generosi Domini, animi nobilitate, sapientia & virtute
excellens, D. FRIDERICI A REDERN, Domini &
liberi Baronis in Fridland & Seidenberg,
Cæsaris & Romani Regis con-
siliarij etc. scriptum.

à

M. IACOBO MILICHIO
Iuniore Falcoburgensi.

VITEBERGAE
EXCVDEBAT LAVRENTIVS
SCHVVENCK.

M. D. LXIII

prudentissimo & opt. viro, D.
Franco, iudicij Sorauensis,

anno. amno. nobili & pat.

